

淵雅堂全集

淵雅堂編年詩彙卷八

長洲王芑孫念豐

己酉

題徐朗齋

嵩

芙蓉湖上讀書圖

徐子讀書如作畫出納煙雲吐奇怪徐子讀書如將兵  
多多益善摧堅城讀時不問秦與周九流七略汗漫遊  
讀後不問糝與糠自將精粲充餽糧十載無家去鄉土  
有家僅託梁鴻廡廡下曾無擔石儲屋中尙有殘書貯  
殘書無恙百無愁往往攜書上釣舟明月一竿風一縷  
芙蓉湖上看清秋芙蓉湖上秋蕭瑟家世蒼涼道不得

玉山舊是尙書居花谿亦有先人業

賜書當日最承

恩史副經餘富討論弄藏奚止千牛汗欲讀今無一卷  
存嗟君才氣何雄大孝穆偉長盡投施平生不讀科舉  
文一出偏如俛拾芥他時會踐尙書地收取遺編續題  
識再起人間傳是樓大願眞償讀書志重歸小印篆紋  
紅傳是樓印記爲秦小峴舍  
人所得今以歸之則齋佳兆端倪願必從倘須異  
日藏書記老友吾如汪鈍翁

題朗齋水仙偶和詩冊兼懷舊友孫元圃

崙

客從梁園來攜得梁園雪冰印珠排互偶酬想見衙齋

致清絕我看長安五度花水仙出窖餉豪家此花那慣  
經薰灼花亦如人大作惡虎阜塘西鄧尉東年年香到  
夢魂中出山小草都無致何況吾儕劇愁思孫綽平生  
隱薜蘿于今亦作梗隨波詩人箇箇離鄉去水佩風裳  
渺若何

清明後十日陳古華農部

延慶

招同秦小峴舍人

瀛

邵荻香

樹德

徐明齋

嵩

兩孝廉小飲肄書篋次

小峴韻二首

無多觴政客須遯烟禁纔逾十日新縣雨勒成寒食景  
好風吹聚故鄉人酒如不飲孤良會花但聞名逗遠春

已是匆匆三月盡未宜愁過浴蠶辰

金谷詩成罰不遵飲惟文字亦翻新三條燭尙留吾輩  
百尺樓應臥此人日下鶯催長短曲雪中花蘊淺深春  
閨桐準放韶光駐展襖何妨待浹辰

題渤海藏真本靈飛經五首

黃庭樂毅法門專教外誰參一指禪識得靈飛真滴髓  
峭稜稜處證孤圓

試參疎密見分行機趣相生褚法藏可笑香光老居士  
不從鉤勒辨鋒鋌

北海源流尙在茲勁衰古服露妍姿要知迴腕秋毫訣

快劍長槍入陣時

秀柔勁正實兼之  
規矩方圓任所施  
不是銘心披舊揭  
誤將燕瘦認環肥

高氏碑如片羽珍  
三唐閨迹斷貞珉  
衛夫人後論宗法  
一瓣香應到玉真

題友人畫鳳仙五首

絲雨幢幢卸瓦溝  
雨餘含墨寫清秋  
秋風不滿蓬山翅  
墮作瓊枝綴玉毬

花小名應匹彩鸞  
誰當題鳳向長安  
木來自具珊瑚骨  
那肯秦臺乞賸丹

品將菊婢亦何因試問東籬孰主賓  
開向玉簪金盞畔何曾羞澀學夫人

欲摘紅鮮入鏡奩鏡中花與畫  
禪拈便教爛作如泥搗猶到纖纖玉筍尖

秋光一瞥去如梭紅盡雞冠落盡荷  
此畫此詩傳好事美人芳草意如何

彭允初

紹升

寫寄武林近詩因題其後四首

雲自孤飛水自流三年瓢笠住杭州  
把將詩卷沉吟讀分我西冷一段秋

傳聞幾度只依稀莫道知歸未肯歸  
悟徹斷然無滯相

儒冠不戀況僧衣

謝公化鶴卻驂鸞慧業生天果不難流浪十年門下士

西風吹淚在長安

詩中述芝庭先生降  
乩某地自謂昇仙事

湖山好處鎮從容我欲歸來聽打鐘著我定知詩更好  
子昂夫婦拜中峯

莊義門

存

南還以小照索題三首

水墨生涯入畫禪長安來去總飄然攜將一管生花筆  
遊戲人間五十年

徐家粉墨米家山意外聲名只等閒破帽疲驢好歸去  
紅鱸紫蟹夢鄉關



還山不辦買山錢  
小結溪山畫裏緣  
真得山居當憶我  
薊門寒月塞門煙

送畢松友

大椿

遊楚因卽南歸四首

檢點衫痕雜酒痕  
京華旅食歲難論  
一官似捉風前絮  
竟自驅車出國門

溫溫雅度孰如渠  
餘事猶傳趙董書  
十丈塵中留不得  
春風獨喫武昌魚

十年含墨寫荆關  
此去清緣落楚山  
他日相逢看腕底  
又添無數好烟鬟

賣將書畫買娉婷  
歸夢吳涇接越涇  
我有敝廬葑水上

書來火急報添丁

得南陽知家棣然叔

榮伯

落解因次去年見寄詩

韻

一片明光錦陸離十年貧女感機絲虛煩理篋添金線  
不遣承筐到玉墀幻夢雲霄鯢化遠歸心滄海雁飛遲  
抽帆我待東風便準共圍鑑鯨水湄

題黃睂山主簿

嶠

古椿長蔭圖

小雅繫臺萊大傳述橋梓爾正釋木篇椿獨無所紀禹  
貢書从杔是爲著錄始變文而言椿其說自莊子曰春  
秋八千則蔭可知矣古者謂年齡五福莫先此遂以人

子心頌酒介燕喜爲問圖中人無乃黃香是廿年走江湖望雲闕甘旨吁嗟寸草心長在春風裏精誠天果酬捧檄淮之涖便迎倚閭人風帆飽船尾雖無五鼎烹洗腆具滫瀡微官養潔白未許三公擬一笑盜生春徵詩及俚鄙惟古賦詩人不皆出諸已爲歌南有樛綏之以福履

董瑞庭

家麟

寫墨竹見贈用山谷集中謝斌老子

舟送墨竹韻題之三首

竹法自一家不數荃案輩墨池導嚴海畫工孰津逮往往讀書人懸解付神會如參教外禪指月罔觸背墨華

水暈中要有書味在後來王孟端筆與湖州配仲姬傾  
城姿窈窕特可愛蕭蕭三四竿勢出風雨外作畫先讀  
書換骨祛鄙倍醞釀得全神流露足餘態作詩必此詩  
坡語可參對求畫於畫中那得觀其大

以怒氣寫竹此語熟流輩豈知強弩末魯縞有不逮子  
瞻筆如椽腕底鬼神會猶以美人腰嫋娜喻向背定知  
貴虛和中有書法在綽約姑射神難以無鹽配勿因鑒  
家希徒徇市人愛此君歲寒心領向瀟湘外讀書與作  
書詣極賈三倍譚藝笑李衍瑣屑譜竹態一俗不可醫  
谷語妙無對風骨果清奇魄力自雄大

君家父子間餘技了十輩師承董文恪膏馥尙親逮

尊甫

耕雲先生椿工畫依富陽董東山尙書最久瑞庭少隨其父從受筆法

文恪眞天人萬象

入孤會老成日彫徂後生迷項背君如米虎兒留得法  
乳在家有一簞珠莫以砥砭配專精赴能事紛志戒博  
愛嗟君一枝筆挺挺風塵外勝趣日以生近功已十倍  
贈我三嬋娟疎疎好風態我從讀書餘默坐焚香對乞  
詩借強韻吾言慣夸大

庚戌

書故崇慶州知州常公

紀

殉節錄後

西師凡五年中厥木果木僨轅由主帥煌煌

詔書讀而請死事家小大遞褒錄壯哉崇慶公于時隸  
牙纛轉餉下荆襄飛輓控巴蜀徬徨劍頭炊惻悵囊底  
粟聚米志山川磨盾灑篇牘軍中倚常建書生不碌碌  
三年上功簿隨輩稍一擢維時

王欽揚聲靈大赫濯破美諾之巢如卵壓以獄兩酋者  
計窮困獸互犄角遂作壓負蛰不爲蠻鬪觸陰謀結降  
虜僞欵送番目潛來美臥溝煽亂三雜谷我師陣堂堂  
誤出中其伏謂將鹽厥腦翻令洞我腹精兵與孱將殲  
焉共顛覆顛覆人所同殺賊公所獨公方在昔嶺聞變  
撫刀稍已矣報

國家死耳寧待卜要當死明白揮手謝部曲公雖書生  
乎鞍鐙故爛熟于時髮衝冠躍馬矢抽箠大呼一當百  
屠賊如屠畜力盡鉞交胷狼籍剩血肉嗚呼公何官崇  
慶一州牧州牧從將軍所主特錢穀職敗罪不加戰勝  
功不屬使當跳而還於法未爲僇吾聞賊之來事起六  
月朔越旬軍始潰勢非甚局促欲走何不能走非公所  
欲中間若某某宵遁急裝束

朝廷愍生還許以後效贖無何膚功成封侯大饒樂而  
公骨已寒莓苔繡枯髑乃知男兒身所矢義不辱端由  
氣昂藏初非勢窮蹙吁嗟一寸心身後當誰告至今昔

嶺邊啾啾國殤哭陰風卷靈旗鬼馬撒雨雹青燐照荒  
原寄此丹心痛雖死臣猶生賀

國成功速大吏以狀

聞昭忠

典優渥報公九原心兼爲後來勛公前宰三邑所至變  
風俗時聞蜀父老賽禳拜祠屋有子蔭一官謁我表遺  
躅吾詩質而信冗語刪繁複他年董狐手於此備商榷  
公諱紀姓常遼東世名族由進士起家卒年四十六

庚戌四月以內子墨琴所臨蘭亭褻冊輒自臨張  
金界奴本於後并題二首



綠槐如幄罨虛廳  
芍藥花開貯滿瓶  
矮紙裘來新婦帖  
又牽書興到蘭亭

稊帖紛綸考異同  
拈豪曾未見閨中  
翰他白石風流甚  
更辦吹簫倚小紅

洪桐生翰林

梧

朱滄谿比部

文翰

莊澤山舍人

復

旦俞東川太學

坊

同集秦小峴侍讀

瀛

聽雨軒送

陳古華農部

廷慶

出守辰州太學作畫侍讀作詩

翰林比部舍人三君次和予不復和作四絕句書

其冊

一麾南去楚天低  
無數江山待品題  
佳識桃源舊壚在

此行真到武陵溪

君嘗爲桃源訓導

文章太守神仙客  
句子銷魂妙一時  
到日五溪蠻寨下  
弓衣爭繡使君詩

畫戟凝香致渺然  
散衙清夢玉堂懸  
只愁判牘書精絕  
翻惹巴人訟芋田

笑我蒲團坐幾年  
至今身在藥鑪邊  
丹砂乞取如句漏

學佛難成更學仙

古華許有辰砂之寄

題秦凌滄侍讀

瀛

竹鑪山房聽泉圖

東華十丈塵吾心  
自滄浪來坐聽雨  
軒

凌滄讀書之室

有竹如

瀟湘主人方退直  
夢落碧山陽  
因譚二泉勝幽尋  
遂陂

塘時攜阮生展在宿贊公房白屋四五間松吹流笙簫  
淙淙萬斛珠和之作鏗鏘掃花倚磐石圓乳傾甌香此  
興渺何極此境不可忘誰能剪吳淞貌我置青蒼同時  
朱無錫與繆江陰繆炳泰粉墨各擅場長安正暑雨跣脚困  
日長未期雲壑卧聊借雪壁張蔚彼雲霞心滌卻煙火  
腸在山清不見出山清可量聞根有喧寂泉性無閒忙  
泉聲從往復聞性還真常試參聽雨眠寧殊竹鑪傍

答管平山

世銓

仍用山谷墨竹詩韻三首

同學諸少年忽爲新先輩驚蹇逐飛黃十駕苦不逮文  
詞日高縱場屋變風會庶幾老成人用意不吾背卻遇

管幼安大有氣格在難兄早登壇才力二蘇配泠泠朱  
絲琴不供箏琶愛蒼然古壘洗自居盆盎外戰藝無寸  
功賈勇轉百倍李廣雖不侯猶有射虎態讎書夜分燈  
屢服鼯鼠對和我疊韻詩力挽萬牛大

長安自人海遇士日百輩但急今世知孰期古人逮不

勝裨販心虛詫敦槃會鄙人坐涼涼羣訝馬腫背而君

不遐遺謂有真氣在過譽及山妻謬擬鷗波配冊尾寫

新詞風調殊可愛

內子書花蕊夫人宮詞百首平山題詞二闕甚工

相忘樸直

中獨契華鬢外雖然量才地君當勝十倍堂堂丈夫雄  
不作偃蹇態蒼髯顏渥丹精悍世無對時哉尙可爲勿

負腰腹大

舉世苦一貧淪落況我輩雖無鐘鼎心猶欲升斗逮有  
如粥飯僧乞食龍華會所願良不奢舉動輒違背誰爲  
榮辱樞無乃有命在嗟君甚修飭中年喪良配今來譜  
華笙又奪春暉愛顛倒向人間十九出意外吾常醒而  
狂得酒氣益倍爲君歌長歌一掃飢寒態慎保千金軀  
以需萬言對不經風霜多安見松栢大

送陳芝房

毓咸

南歸

先生此來何所求三年蝸寄屋打頭紅消玉頰家姬愁  
坐看幾輩登瀛洲先生此去何所樂橘綠橙黃米新熟

閨中一笑夢熊卜會生兒子好犀角先生去來直自在  
一身無官亦無債我今何時破天械有約同歸竟不遂  
歸兒山中舊儕侶但致加餐別無語相思日寄江流東  
作書未暇緣匆匆

題友人課耕圖

耕硯歲得稗耕田歲取禾寧爲牧犢子莫作飯牛歌

題王南陔

紹蘭

困學說文圖

士生三代後不過爲韓歐韓云略識字自非子雲儔歐  
九不讀書笑倒長安劉小學一家言聊復以藝游真窮  
六書源形聲必兼讎去古日遙遠元音蓋難求等均舌

本強策咏豪翰柔區區字母法轉藉梵夾留金銷又石  
泐點畫梨棗鏤終然無可憑乃與墟墓謀所賴獨說文  
一髮繫猿猴或又亂其書攻伐招戈矛吾年十五六考  
訂遂謬悠字書手蛇蚓韻學口鉤斬記醜日夸博十讀  
十不作將欲著一書半部可白頭如醯雞入甕無端自  
羈囚久之忽有得快若鷹脫鞵保氏隸周官原是醯人  
流今將取蚍蜉爲醬供王羞又置墓大夫掘冢移首邱  
其事可不可勿待智者籌凡事有適宜何貴作矯揉誠  
使韻籀生寧與義獻仇近時二三公倡導分陽秋後生  
不善學斷簡勤羅蒐動云周秦漢辭閩萃衆咻廢此世

亦治安用爭喧啾豈惟蟲魚注直謂羔雁投吾儒身心  
學孤負乃日媮但嗤不識字不足爲士憂鄙人寡學術  
甘作藏壑舟吾宗好才氣落筆殊清適作圖要題句相  
於極綢繆奚爲困蒙吝不作心逸休卷卻說文書銀海  
天光浮登高一長嘯舉目見八陬吾言苟不暢有若癢  
在喉詩成作細楷寒更打譙樓良非識塗馬略似喘路  
牛妄欲攬子祛與子遵道周

屈元安

培基

乞題母夫人綠牕遺稿四首

綠牕詩一卷見之十年前今來長安道始識令子賢自  
將珊瑚管重寫芙蓉篇逢人乞題識慰母光幽泉



詩好不在多詠絮祇一語平生豈無詩所得僅如許內  
言不出閫而況書之楮遺失領間珠收拾腹背羽  
倡和白妝臺流傳熟行路吁嗟夫人心焚藥殆有故但  
尋言外言織維箴姆傳能工詎宜工無句勝有句  
鸞影不長留鳳雛必挺出偃蹇如鐵夫甘爲屈生屈要  
求一言重夫婦爲援筆雖慚鴻與光未宜例松雪

蔣伯生

因培

枉贈佳篇久欲和之未能作也今來

告別輒次原韻書以贈行二首

讀君五篇詩藹若春空雲人中見嵇紹鶴立果不羣嗟  
予但疎樸於道未有聞謬以敗鼓皮參錯龍鬻文陳仲

妻辟纁技與緝統分吾非蒼頭卒何況孃子軍

士當厚自待所就無大小發聞會有時豐鐘破霜曉英  
英蔣子文氣露神骨表行矣多讀書風格自蒼老臨岐  
惜分攜眼底此才少君無廢斯言以志木瓜好

附  
原作

常熟  
蔣因培 伯生

王郎曾獻賦隆隆聲入雲共說鸞鳳姿宜參鵷鷺羣  
我幸得見之所見逾所聞豈知閨中婦清才亦能文  
攤書鴻光案剪燭共宵分詞壇樹赤幟各欲張一軍  
今時有茂漪書格簪花小臨池華月明研露秋天曉  
怡逢坦腹人才名一州表從容圖史間倡酬足偕老

西池舊女伴此福亦應少手把芙蓉花下指人間好

董銀橋

辰

省覲南還乞予書洛神賦一篇長水屠

君爲寫洛神於前內子墨琴書十三行於後虞山

屈君復爲篆首裘成一卷因作此詩附諸卷末俾

見者和之三首

家書幾度問歸期纔定歸期又屢移遙識倚閭占鵲喜  
高堂強飯勝前時

過年時節到鄉關溪友鄰翁互往還應怪長安塵十丈

却添腕底好雲山

銀橋到京時  
尙未能畫

金釵買卜寄郎衣下第回時也下機無物壓裘誇好婦

袖中攜取洛神歸

辛亥上

辛亥正月從劉石菴先生試士八旗旣鎖闥與公  
茶話觀公作書因用東坡試院煎茶詩韻

公提學政我爲生當時獻技虢虎鳴公常九遷我三黜  
日月逝矣飛梭輕公今作書世莫二筆外情兼筆前意  
攜來石銚并銀煎呼童娛客淪凍泉求書得隴還望蜀  
墨瀼歎華紙鋪玉硯池秀色餐不飢端溪眼活歛嫵睂  
洛下正逢顏尙書肯傳筆法相追隨坡詩詰屈和不得  
所愧年紀當坡時

東坡三十七爲錢唐通守監試  
作此詩于今年亦正三十七也

劉菽原

汝器

用拙藁中與施蒙泉倡和舊韻見贈

奉答二首

瓦缶鳴慚細響錚與君鄒楚敢交兵  
試縱有句參無句幾欲逃名肯獵名  
嘯傲居然忘我慢銷亡久矣感臣精  
長卿白樹詩壇幟誰許偏師更薄城

桃花落盡見劉郎撲面塵中氣自強  
學到蘇詩應得髓書兼董法妙分行  
雪牕共剪三更燭月地同燒一炷香  
異日九龍山下過抽帆訪爾向山塘

送同年張船山庶常

問陶

還蜀卽用見題拙藁詩

韻

奕奕文章自有神時從爛漫得天眞書如章草縱橫極  
詩似江花淺澹春太尉家兒大門第秀才官職列仙人  
錦衣歸詠峨眉雪珍重青雲未了身

附原作

遂寧張問陶船山

點筆何須畫鬼神破空奇語在能真風雲絕塞天邊  
客花月清江夢裏春輦轂論交無數子闌房寫韻有  
傳人知君自具千秋業坎壈寧纏不朽身

清華園感興四首

有序

清華園者海淀睿邸之賜園也予以乙巳到京  
館於富春宮保六年矣今年正月去宮保而就東

武尚書之招公方以侍郎領順天學政因從公試  
士貢院二月五日公以尚書 召還復去東武而  
就玉盈殿下之聘信宿園中自編初集忽焉春盡  
感事書懷遂有此作

東閣招邀罷西園趣召頻詩書忘歲月衣食託交親  
襤被俄三地風華又一春此生未溝壑孤直奉吾身  
事董非韓愈依劉卽仲宣登樓曾有賦原道竟無篇  
酒向車茵吐茶從試院煎士窮懷一飯潦倒數公前  
士龍虛入洛司馬倦遊梁廻雪新詞好凌雲舊夢長  
授詩來玉樹得句付金箱異日論宗派湘東溯瓣香

滌硯晴牕下編詩兀坐中寒留前夜雨春盡幾番風飛絮抑何白落花如此紅草元粗亦了後世孰揚雄

夜夢見畢松友

大椿

曉起以二十字識之

別子今年無書亦無句殘夢在花前花落鶯啼樹

題石菴先生書卷四首

有序

頃從公試士棘闈得公所作大小雜書頗多一日爲予書楞伽山房榜因於鐙下細書楞伽經第一偈又一日爲予婦墨琴書寫韻軒榜因於燈下細書沉香山子賦皆以見贈公年七十有二矣燒燭作小楷運筆如飛亦異事也乃合而裝之爲一卷



題詩其後

戟院沉沉畫鼓停  
硯池新月點疎星  
相公自試高麗墨  
午夜明鐙寫佛經

詩人老去鶯鶯在  
甲秀題籤見吉光  
乞取簪花偏不肯

自繙古賦寫沉香

公有愛姬王能學公書予嘗見其甲秀堂法帖題籤筆迹幾亂真矣予乞

公書並以墨琴意乞姬書公亦許之顧至今未之與也

寫韻軒中月已斜  
倡酬仙舫自仙家  
多緣未是維摩室  
不散天華散墨華

公今老矣日蕭疎  
我亦蕭疎較甚初  
公不還山吾不第  
供人需索日臨書

清華園牡丹花前應詹王教

穀雨纔過卷碧紗  
春風拂檻綻新葩  
誰將金谷千屯錦  
散作銀潢五色霞  
韻勝不妨天富貴  
氣清彌覺地高華  
一株秀色當階出  
手種無忘封樹嘉

主人手種一樹  
獨高出他花

題李涪江

秉德

櫻桃寫生二首

此管生花不計年  
人今蒼老轉新鮮  
黃塵十丈門前路  
寫取江南四月天

多煩吉語慰無聊  
乞額題詩首重搔  
春宴不分蠻畫榼

長安六度喫櫻桃

時并乞韓城相國  
爲書櫻桃館三字

密雲道中作

犖确檀州道驅車數往還風聲來絕壑暝色下巖關獨  
樹秀孤廟夕陽明遠山撫轅憐我僕一歲幾安閒

淵雅堂編年詩藁卷九

長洲王芑孫念豐

辛亥下

出塞

吾今果何爲輒作塞外遊立馬南天門羣山鬱糾繆風  
吹冒谷雲敗絮擁被禱日光漏其間金碧亂我眸黑者  
黑如礬赤者赤似髹數峰忽雪白宛以粉筆鉤此理不  
可識岡巒浩難收化爲曲江濤萬馬奔濤頭陰陽互追  
蹴向背紛雜糅使當作此畫皴法何處求方知倪黃輩  
足不踏九州只寫江南山水墨森清秋但言江山好未

覩行役憂寧知點點煙中有萬古愁天低落日大客與孤鴉投

塞館雜詩十首

邊山莽無極其來若長虹中間萬堆阜起落相雌雄當其崙衍處居人以爲宮築基無定嚮隨勢爲橫縱旭日朝在梁暮日還穿櫳乃知東家西不是西家東東西本強名拘墟謂章縫人生處大地下上緣蟻封朔方千人帳南海萬斛艫其人更相笑等爲綴窠蜂寧知九州外積水浮空濛

吾居小西溝衆水走其麓一雨浩無涯往往沒馬腹厥

土埴而疏滑汰苦境塙邊居出無車有亦當折軸僦屋  
祇二間置我并兩僕瓦脊動鱗甲墻罅下雷瀑屋如漁  
舟小水氣浸衣綠斜風捲地來恍將蕩迴汎飄然江湖  
心一葉穩百斛曉起白濛濛方知抱雲宿此時山頭望  
見雲不見屋春江欲入戶快取坡詩讀

鴛有戢翼棲矜有掛角臥苟得性所便卽爲心所舍吾  
今屋如舟人海中流坐隨遇身則安求容志必挫養志  
若鷗鵬溟嶽等涔堞寄身若鷗鷺巢林一枝借我誠不  
曾小誰能見其大儿榻尋丈間寬於四天下華屋多艱  
虞衡茅足閒暇人方飽其憂我自樂其餓

嵌巖强築室繚之以土垣不覺土處病但見屋溜渾豐  
隆揮急雨一鼓萬馬奔水泉穴垣入牀下江河翻一奴  
遽乘屋尋漏覆以盆一奴赤腳至持鍤護牆垠如當沃  
焦決爭先塞其門灑灰救餘濕雨止日照軒時起助之  
作泥水著我禪子瞻住南海子美居東屯尋路辨牛矢  
倒柵修雞藩二公果何人猶自不憚煩士方在貧賤勞  
辱非所論

顓頊將四十無肉畏蚤蝨義山此言悲讀者初不識吾  
今乃其年瘦甚香桃骨暫爲跛脚眠投身臭蟲窟終夕  
不能休寢衣更著襪雖無藐姑肌尙有英雄血有時乘

際會尙欲一披瀝不然埋地下化作萬年碧安能付而  
曹撫髀自嘆喑爲帳剪葶絲四角縫之密蕩蕩若漆城  
環攻笑劇賊夜來夢封侯高枕半牀月

處貴難爲富處賤難爲貧未能竟辟穀粥飯常依人乞  
食長安中六見梨花春殘杯與冷炙杜陵語酸辛揣摩  
空十上淪落還一身獨賴

天子恩身屈氣自伸不伏光範門上書干宰臣賢王能  
好士謙雅通殷勤載我以後車飛蓋從雕輪唱遍竹枝  
詞竟作謝茂秦鼎鼎三台司手筆燕許倫其人皆進士  
讀書侍天闈豈無平津館養活煩朱門



六年尙書家一月相公第遲速本無心寧有去來義緣盡我當行興到我輒至無官歲隨

蹕閱久遂能騎灤河古興桓及茲至以四吾王雅無營清靜自高寄燕閒致從容相於有真意吾生但天真所惡參人偽脫畧似清狂質直類表異而王實容之其中果淵邃他日傳河間此詩備職志

當今畫人物天下數繆九

繆霽堂舍人炳泰

繆君德人也作畫

特其偶世愛與可竹東坡歎之久昨朝當霽坐風雷驟呼吼飛雹鐵彈丸長電金蛇走空中書有聲何物下屋部霹靂繞四檐搜壁若將擷久之天亦霽周覽逝無有

瓦縫塗以泥蓬箔帟糊厚不知何從來落如杵投臼初  
聞聲殼觫其去抑何陡定知千歲狐鍊形化爲叟或現  
美人身竊窈與士耦雷公怒殛之庇德到君乎天曹貴  
天爵不在紆華綬鬼神愛忠實誅伐有可否非君巍然  
坐一瞥早碎首依仁得逃死其物智可取此吾蓋自擊  
志之以風後

客居寡還往庭戶清無喧兩僮頭觸屏獨坐挑燈昏一  
牕月如瀉剝啄誰相存呼僮出視之乃是狼打門本緣  
攫食至竄突翻驚奔無爲事驚奔吾手無弓韃有亦不  
汝射得亦不汝婚繆君禔厥德狐來庇其軒吾今困旅

瑣狼來觸其藩中孚豕爻辭調御天人尊不若象魑魅  
利貞格魚豚誰能盡物性擾龍覩根原彼哉豹毅徒有  
慨莊生言

貧士若孤雲隨風自縹緲或來墮檐端或去冒林杪浩  
然太空中聚散憑秋昊無依與有託雲自初不曉丞相  
吏朱雲大夫掾孫寶二生自標置猶道不爲好古之賢  
達人志不在溫飽不知古今人何以異其道覓舉趣爲  
官立意馳八表家人方戛釜明日晚餐少何者是遠謀  
一飯盡千巧懷哉孔顏樂樂處果不小飯疏食飲水疏  
水具之早有巷有簞瓢優游足娛老

月夜寄石琢堂修撰

韞玉

用舊韻四首

有序

琢堂丁未試禮部下第出京之日嘗以冊索予夫婦作書其明年予自熱河以書抵琢堂於彭越堂寫寄懷人之句琢堂得書喜甚一再用其韻爲詩詩非一時所作而皆題冊後凡四首其後琢堂編集未載亦未見寄予初不知又二年琢堂及第登朝攜家都下予覩前冊始獲知之乾隆辛亥予從役再至熱河獨坐看月有感舊事因復和以寄之月自孤清雨自疎懷君月下與君書吾今儻募君瀟灑人海中流雨自如

未覺孫陽相馬疎漢廷爭誦萬言書依然共喫桃花粥  
比湛甘泉我不如

吉夢頻頻占驗疎榜前一笑不中書孫堂以庚戌入館是歲予亦得中書

而其榜適罷懶從學士參三昧要向金剛印六如

舊遊零落曉星疎謂張景在者寥寥莫寄書謂顧沈未是絕

交嵇叔夜還尋吾友蘭相如

附原作

吳縣石韞玉孫堂

秋燈如豆雨聲疎重展文園舊著書交友不交楊得

意漢廷誰薦馬相如

似水交情久不疎鴻來頻帶塞垣書劉綱夫婦神仙

侶正恐鷗波未必如

權奇駿骨類蠡疎誰解孫陽相馬書十載鹽車纏驥足幾時天廐看班如

落拓頻年筆硯疎巾箱猶有未成書盧前王後憑安置自分於人百不如

中元日奉陪和碩肅親王和碩睿親王校射觀棋應教作詩一首

山莊歲校射

上每自臨閱國俗取無忘行葦志嘉澤諸王奉直歸家啓編埒序賓以序賢更互作主客射暇更觀棋仙經

究十訣鄙生百無能  
穀率昧巧拙袖手看羣真  
輸贏賭  
瓊屑作詩所不辭  
正恐詩又劣嘗讀

開國書掌故粗能說  
天聰崇德間我

朝大撻伐真龍起  
東方雷雨動荒忽  
文事付蕭曹武事  
倚旦爽恭聞薩爾  
滸威棱赫

黃鉞一戰

王業成九州浩空闊  
松山與杏山蟲沙灑  
毛血時以少  
勝多劍首風一映  
維時我諸王天挺  
總英傑控弦士百  
萬分領在肘腋  
曼珠射生手靡不  
一當百風蹄點雨  
雹  
萬馬夜踏鐵豈惟

天命歸人事要可覈明帥若舉棊爭道輒蹉跌中參寺  
人刁漏師慣牽掣如放康國獨蹂局亂黑白我操必勝  
機方圓從所適鬼神與爲謀虎變出騰驀於戲

家法垂騎射溯貽厥周家懸耒耜勞苦念耕墾弓矢在  
我

朝天球赤刀列洎乎定中原諸王又虞虢精神照旂常  
宗盟固磐石展親與追封吾

皇大昭雪敦厚歌蓼莪纏綿到瓜瓞英英瓊樹枝雅尙  
各修勸眉宇皆天人象賢緬前哲胥聞大羽箭意氣殊  
勇決決拾不離身七札洞必徹奕者蓋兵機與射同關



捩審固致從容縱橫任出沒不然真戲耳百年等作劇  
不如破其局轉以四鏃設餘力但稽古逍遙理篇策人  
生不知書冥行暗投壁謝却青桐君爲惜白駒隙能銷  
幾局棋新霜上華髮王無廢斯言觀奕當有益而苟弗  
之思卽又不如奕玠圭雙溫溫肯示一蟻闕上以答  
朝廷下焉誦芬烈鄙生豈能詩授簡南皮席爲詩亦如  
射反求志各繹不工圍棋賦差與仲宣別詩成棋士去  
一笑聲裂帛

題秦小峴侍讀

瀛

橫山丙舍圖卷

買山錢少況築室書生舉念不量力築舍未能先作圖

作圖未畢記先出

小峴自作橫山兩舍圖記

空中指畫不草草孰喫

孰橋路窮孰畫師含墨爲經營藥竈花欄構多了披圖

一髮見江南橫山橫伏如眠蠶風帆葉葉過几席埕影

倒抽紫玉簪養魚種竹此中好誓墓誓欲誅茅菴人生

肯作忘歸矢有田不去真癡耳君今橐筆金華殿未許

朝韡換芒屨歸田無計本無田日枕家山夢魂裏此願

非奢致勃勃會且眼中見突兀可憐烏帽抗黃塵又看

青楓變紅葉塞山一雨感新秋此心萬里江鷗沒我亦

楞伽置一莊相公書榜付贖裝

子有墓田在楞伽山亦妄思築屋山下今年屬

石菴先生書其榜而實猶未有屋也

隨身但有齋寧極長安流落心蒼茫

老友他年足還往故山茶筍同一香

小峴見簡四絕句次韻答之

少游儒雅果吾師詩少偏工澹愈奇我愧金剛常掃地  
君如彌勒只低眉

此身無相我誰何風軟吹春不擺蘿詩諦禪心參一合  
溪光月色未容摩

八畫山如黃鶴樵詩情秋意各蕭寥揭來六月忘雞塞  
又看雙星過鵲橋

忘名何必避狂名萬古雲霄一羽輕有句寒山酬拾得  
無言惠子見莊生

塞館雜詩後十首

有序

予既錄塞館雜詩後一夕燈下獨坐忽復援筆盡  
一燭光又得十首乃續而書之爲後十首前十首  
詩非一時所作故語不相屬後十首乃一夕爲之  
懷生弔死感興無端悲從中來不可復已殆秋聲  
也是歲八月二日三鼓楞伽山人記於塞垣之小  
西溝行館

韓歐去我久世無古文辭吾生病博愛於藝無不爲志

之二十年蹉跎及今茲昔與汪

太紳明之

彭

允初

遊敦勉厚相

期逡巡不敢作欲以道自治待其道之成而後與世垂

世緣苦奔迫往夢如流澌嗚呼終不作落日方西馳四十戒無聞聖人語悲危我今去四十寧復有幾時逝當畢此學嗣今不爲詩絕利於一原十倍譬用師

汪明

之乃著錄家彭

初

有叙事文一汪

大

辯才橫出無

與倫其人絕雄駿孤往各有神與人無不盡於吾意尤真數公皆好佛華梵時雜陳後當有昌黎出而議疵醇一別七八年衰健不相聞惟吾最年少齒豁面有紋何況此數公念之腹車輪麒麟在郊藪不飽苑草春落鳧居京華有作孰與論長嘯宇宙間吾友石

琢堂

與秦

小

瀛

秦君金閨彥而抱山澤性稍參文字禪種智夙生淨吾  
每讀其詩如聞夜堂磬清泉奏哀玉松風互答贈迢迢  
自孤迴兼以情韻勝爲文熟義法落筆甚蒼橫當其鬱  
屈處力挽萬牛定作人有本末肫懇修內行心交異面  
交肝膽森照映竭來序吾詩長篇語盤硬擬人弗於倫  
謬援李杜證吾狂不可砭所憂詩不稱

石郎十年舊其交如一日作詩初不多超然灑蘭雪贈  
我五六篇讀之快擊節中有知己言人或未之識爲文  
不言法隨意自曲折露蟬飽清虛挺挺一枝筆曩者我  
言文君尤講之切我今若彌勒先佛著言說發心五百

年凡道後於佛尹洙穆修徒實啓歐陽出君如作歐陽  
不患我無述師魯伯長間我當處其一

未能事後生但覺故人好極念城西顧

謂顧西金禮琥

生平有

懷抱其人殊耿介行義咸可攷制舉文有名翔才見風  
藻然而不自是吾嘗定其藁近讀河渠書功名奮宜早  
失子無足悲明珠在襦襟計年長於吾嗚呼又蒼老舊  
游日凋疎晨星數參昴書來未之報憐我勿我惱人生  
能幾何咄嗟幸相保保茲歲寒心一節貫華皓

生年不四十累有寢門慟豈惟憂生嗟抑兼後死恫舊  
交六七人其游若求仲今來喪其三曾無撫棺送張

張青

城耶景書後先亡瘦沈沈芷生彌堪痛鬼伯橫攪人

駢駢太奇縱謂沈必無年不幸言而中妻子莫紀存亦  
莫歸之則往求孟六文合傳待編綜他時有餘力墓石  
各與礪魂來關塞黑邊風卷秋動昏鏗耿羈孤驚呼屋  
梁夢

景生

書常

竟强死死故難爲言難言久弗暴終古傷沉

魂厥考今繼祖吾欲書其原考爲觀察使劾吏以罪論  
吏刺得陰事上狀大府門其事頗有迹一夕道路喧命  
生往營解獄急詞濶翻生窮計莫出自縊挂於軒可憐  
死莫視一友爲治棺府聞景生死慨惜孝子難因而寢



其事從容爲平反觀察歸復出九幽鬼煩冤

張君

青城  
邦弼

若芝草無根自爲茂家故不讀書脫穎自其

幼補梧詩八卷他作亦綦富生平善滑稽縱橫智輻輳  
人人得其歡賓朋滿座右沉頓三十年一第喜之驟日  
飲病無何五十僅中壽有母杖而哭無子可爲後人皆  
紀其喪我無匍匐救生吾屢助之死寧不思厚吾方困  
羈窮十願十不就少助不如無多又力不副行當刻其  
詩遺草相如購

沈五

芷生  
清瑞

最翩翩吾以弟畜之齊名若潘陸雲龍互追

馳我時怒而罵君亦不我訾一朝奪之去欲罵還有誰

外爲新樂府側豔如溫岐此豈善者機玉樓召其宜其  
賦實可傳畧有數首詩他時與剛定傳後知無疑吾將  
昌厥後念佛燒其詞爲文作虛氣試官以爲奇褒然領  
解出世亦交相推嗚呼我輩事外人那得知吾能定君  
文早死君勿悲

八月塞草衰雲物忽淒戾暗風吹鬼雨颯沓打窗細一  
燭照秋衾荒館門雙閉爲詩哭亡友因而念亡弟同產  
有三人季也乃先逝吾嘗屢咎督其死亦未妻爲學雖  
未成篆刻乃絕藝葬之楞伽山猶未誌其瘞一弟官楚  
中音書遠沉滯吾窮亦久矣宗衰族終敝生離復死別

百年付悲涕誰當和我詩陰蟲急寒砌

中秋宿喀拉河屯

八月十五日我行發歸轅一頓三十里曰喀拉河屯中秋信佳節而我感百端團團一明月皎若白玉盤去鄉六七年常自掛征鞍不從棘闥度輒向邊外看邊方異風景祀月羅瓶盆剪帟以爲神爆竹聲喧喧跪拜小兒女雜花簪髻鬟我今豈無家車殆馬亦煩有親在南天衰白闕清溫有弟楚江北奔走作小官妻兒寄京輦粥飯不自存登高一相望隔限古中原今人與古月惻愴太白言一生幾離合千秋幾悲歡何況客中客對月空

長歎明日當早行努力加晚餐土房閉漆黑蚤蝨手自  
捫但聞馬齧草閤僕語夜闌

次日雨至常山峪宿

中秋看曉月曉月景殊異遠山半天黑疎星澹如寄此  
時月銜山欲墜未卽墜俄頃不見山山逕入彌邃不知  
雲與月但覺白到地因風化爲雨雨雹雜三四道旁蕎  
麥花涼葉戰叢翠紅糧與黑稷颼颼亂無次車行水氣  
中颼沓殊有致如操瓜皮艇延緣觸荷芰我本江湖人  
何曾習鞅轡中途遽解裝泥水滿襦被暖湯濯我足杜  
陵語悲思無官日從役勞勞亦何意

次日宿石匣入夜復雨

十五月微陰曉行看其落流光耿不滅有若跋見燭十  
六雨翻盆欲雨先以電十七快晴明黃昏雨重作沾衣  
始霏微飄燈終斷續來宵豈無月破鏡愁闕角可憐一  
年月狼籍過朧朧年年如此過百年太局促百年人鼎  
鼎月自初不覺超然雲霄中清光炯磨玉常娥與吳剛  
萬古各幽獨人間異陰晴天上何盈縮至於隱現間月  
自不能卜微雲點太清不在顧兔腹人生歲六十甲子  
一周復三十處其中殆若車橫軸吾今復加七如軸已  
脫輻一官不可期百行未有錄吾方恨庸庸人猶議獄

嶽隨人作軒輊何用丹吾轂請看下弦月一弛漸韜韜  
非月韜其光世無雲外目申此勞者歌亦莫和而屬

### 入塞

飢烏啞啞倦馬嘶嗟我行役悲何其秋風秋雨常在路  
出塞入塞頻有詩往來八度古北口馬撾折盡長城柳  
長城柳色極蒼茫來日青青去日黃舊時逆旅雙丫女  
此日攜兒立道旁淮陰市上日一飯拜將封侯果非願  
洛陽郭外田二頃多金高位曾何羨我有洞庭千樹奴  
寧求邯鄲萬家縣

咸安禁校傍宮槐聞道官書注補催三年待滿身拘綴

此地懸知不復來作畫已經煩繆襲

霽堂爲子作  
出塞小像

題詩

更欲邀秦觀

峴小

二君落筆皆奇絕好付兒曹作傳說貧

裏求官爲養親眼中高官更憂貧瓜期署滿行歸去浩  
蕩五湖煙水春收將射虎屠龍手竟作盟鷗放鴨人

有懷楊六士比部

夢符

奉使舊京二首

王粲登樓日揚雄執戟年高歌京闕下相揖塞門前遼  
海新乘傳關山舊控弦歸來探裏山知有

帝京篇

訪我匆匆別懷君欸欸歌秋風孤竹國落日大凌河意  
氣眞相許文章各自多二東憑眺遠天末思如何

客有以徐霞客小像求題者卷中有石琢堂修撰  
題記述十年前暨陽樓上霞客降乩之事因作此  
詩附其後

暨陽樓頭雙燭青夜風刁刁雜檐鈴有翩其來彼仙者

自署霞客停雲輶吾與石郎空對面四顧無見無所聆

先生之稱我何敢畫沙作字傳精靈

曩霞客降乩呼琢堂爲石郎呼予爲

王先生往來三世交忘形君已蛻出吾飄零游仙夢斷樓

亦扁十有三度飛秋螢石郎登朝我下第同此墮落塵

冥冥讀君游記得佳處往往酈注參桑經山分嵩華流

渭涇靈山濶別三千齡中間聚散如浮萍萬生萬死隨



颺颺當我折軸君揚舲不相見若尹與邢偶留此貌寧  
有意却復與世供儀型嗟我識君自無始不以面目爲  
畦町靈椿朝菌皆旦暮曾銷榮落幾葉蕝君生好游遍  
四溟火輪脚下纏奔霆嗟我何日辭凡腥與君同躡修  
鳳翎十二玉樓捫故釘李義山詩十二玉樓無故釘黃香進饌羅籩  
鉶寒簋餼笙弄玉舞飛瓊點拍聲瓏玲天漿取醉呼不  
醒此緣未果任詰曲七言哦句如黃庭因題此貌作此  
句以文爲戲同俳伶雲笈何如少霞銘

次韻答時帆學士

法式善見贈四首

舊日蘇司業風流似此無霄情見鸞鶴水味別河湖薄

宦雲俱淡清詩月共孤長安自人海訪我坐圓蒲

能從韋孟後瀟灑出新詞秋竹不勝綠寒花如有思莊  
生懷北郭陶令詠東籬問道却忘道空山卽具茨

貧賤交心易斯言孰識君晚薑偏有性獨鶴不依羣詩

話徵儀父

時帆方輯詩話

元家待子雲采風尋掌故吾與助論

文

杞菊不同趣蕭蕭同一寒和君黃葉句寫我烏絲欄早  
達文章貴長貧出處難窮途差亦樂聽鼓免應官

附原作

蒙古

法式善

時帆

亦是人間語塵埃一點無曠懷小天地好句滿江湖

入夜雁聲苦到秋山影孤櫻桃風味好慎勿戀伊蒲

取我淡花句

予近有淡花開不  
濃之句見賞於君較君孤月詞

君近句  
亦有月

自孤清雨  
自疎語

情懷各無賴風雨輒相思苦尙綠雙屐菊

剛黃半籬到門認秋水隔水是茅茨

豈但酒謀婦併能詩佐君房中結鷗侶世上重鵝羣

搖筆柳飛絮下簾蘆破雲慚子老妻拙畫紙不成文

黃葉打門響青山生暮寒秋煙澹茶塢墨氣出花欄

貧賤交心易文章造命難思詩在驢背趁爾未爲官

送人東游還浙四首

我從塞北還君欲山東去落日挂離愁蒼蒼蘓門樹

東去意惘惘南行路迢迢一觀泰山日歸詠浙江潮  
丈夫無雄雌處賤難爲好干人豈長策努力身未老  
士貧視其守士困觀其才行矣多讀書期子秋賦來

時帆學士

法式善

以素冊索余夫婦書有留鎮詩

龕之語推與鄭重非所克承因次見示淨業湖待  
月六詩原韻題冊後報之

作書自一樂几硯墨雲滃此如蛇有足孰謂鵝可籠世  
人工毀譽吾意初不動

淵明作止酒而酒未嘗止學道戒爲詩勿以朱間紫一  
笑大江橫吾言若覆水

余年來屢欲斷詩  
不作迄亦未能

室中貧孟光於書偶涉獵豈有麻姑裙裂化萬蝴蝶百  
年過風燈煙楮牘幾葉

眞性在孤寒秀句出飢凍投壺一闕間矢躍輒不中誰  
具金剛睛照了泡影夢

梧門今作家月宿值南斗仰屋坐詩龕欲起池北叟

時帆

輯詩話斷自漁洋以後 洵有舌粲花不悟肘生柳

枉訪屢停車投詩重打戶得此並世中風義亦云古感  
君纏綿心作我渾脫舞

何蘭士工部

道生

枉贈七律四章並以所著方雪

齋詩集見示作此奉酬四首

文章一微塵萬古悲淚海詩緣發憤作易有憂患在和  
平動神聽婉約稽聖載士以文載心於中寓真宰亮心  
不見字字字獻神采古今旦暮耳緜渺若相待

自非讀書多何以實其腹妙處不關書無書苦磽確與  
墳句津潤糞養出嘉穀心苗時怒生百怪困役服鴻通  
破拘攣精神見雄獨獨者衆所歸九流貫一轂

言中苟無物憍氣非堅蒼絃外苟無音虛響寧久長詩  
爲六藝一騷雅相翱翔巍巍千載客炯炯十目張洞然  
觀其裏底蘊森可量小心事古人循矩工弗良

君詩不著紙清雄更超逸自非謫仙人安得生花筆贈

言極綢繆獎與過其實倒篋出嘉篇相要作評隲敢不  
誦所聞臚陳學師乙我好攻君瑕君宜指我失

題法時帆山寺說詩圖卽次見題拙集四詩韻

孤情絕照向何人暫借三禪掃六塵詩諦卻隨禪趣現  
野花紅作佛前春

詩龕詩味極蕭涼更向毘尼領妙香北秀南能俱縛律  
此心無住始還鄉

莫將時代畫鴻溝無曲爲謠有曲謳證得心空眞及第  
未應得句比封侯

空門小住不談空寫向詩中又畫中我似維摩惟一默

未曾說異況言同

題何蘭土方雪齋雅集圖

此酒不我飲畫成要題句小飲九衢中援筆寫竹樹居

然山水間杯底生煙霧諸公居仙曹有客識鬼趣

圖爲揚州

人羅聘所作聘嘗有鬼趣圖

畫人如畫鬼主客皆不忤翻身華藏海

不見有鬼故我爲說偈已客可起而賦

吳季游太學

方南

槐陰抱膝圖

槐花幾度黃忙殺百年士我來本求官君亦覓舉耳而君故翛然清心抱止水危坐午陰中愛此綠滿几心空本無夢不到南柯裏抱膝偶長吟吟成亦忘矣知君此



時心可畫不可擬

蔣伯生上舍

因培

自山左寄詩見懷並寄惠渤海

藏真帖欲求愚夫婦筆迹作詩報之

閉門臥雪城南廬翩然一雁來庭隅雁足却繫雙明珠  
知君此去誠無賴苦道相思劇明晦篋底收藏竟割愛  
男兒生世未可知勿以困故生悲思君才自是珊瑚枝  
平生幾爲憐才死一才到眼留心底因君墮淚如鉛水  
少年任達烏足論溫岐杜牧皆可人有此脫落翻銷魂  
期君努力勤蒐討病鶴寧忘覩秋昊早來慰我長安道  
我今奔走粗無他魯公食粥常全家山妻凍指如薑芽

千里求書不容惜爲趁昏燈掃殘墨聊當梅花寄春驛  
冬夜爲法時帆點定所作存素堂詩集奉東二首  
朔風竟終日積雪快始晴夜讀梧門詩見跋燭換檠精  
想出生瘦別構勞經營如遊松檜林孤鶴時一鳴霜鐘  
和松吹流作空際聲此聲從何來省自性地生求詩莫  
於詩稱性開奧閤君當觀其大鯨駕滄海橫君當窮其  
變虎帥戶牖驚相思歲云久一見肝膈傾爲君致商榷  
君亦披中誠刪存事粗了街櫟打四更不勝徂年悲迫  
此歲暮情賈島倘祭詩薦以寒泉清

吾生但直諒何敢居多聞世人觀其表誤謂通典墳尺

寸互短長所恃君識真自年十五六登場好言文蚊欲  
負泰山不識鵬與鯤爲學務討源導江必於岷生平厚  
自待因以期諸人人常不之納不悔不逡巡後世誰相  
知此語傷子雲君懷自淵谷孰不以藝陳

國家於蒙古恩養無比倫篤生熊羆士喬木仰世臣欲  
爲文苑傳落落星嚮晨此詩吾所定當代起夢麟

晉太康瓦荊詩

有序

文曰大男楊紹從土公買冢地一邱東極闕澤西  
極黃滕南極山脊北極於湖直錢四百萬卽日交  
畢日月爲證四時爲任太康五年九月廿九日對

共破莧民有私約如律令凡六十五字楊紹其人  
無考土公者謂地祇也錢四百萬蓋紙錢也莧卽  
券釋名莧別也大書中央中破別之也殆今市井  
所謂合同者近是其製先以錐畫胚入火燒成其  
書則楷書也吾友漢軍玉棟筠圃拓其文褻界爲  
冊以示予而屬予題其後

太康瓦莧一以今尺度之廣爲寸者三修五寸有奇有  
明嘉靖中出土稽山陞文長始著錄摹拓逮於茲莧者  
券之別而實完無虧是亦觚不觚製自符節遺漢符異  
銅竹不聞搏埴爲芻靈塗狗間用瓦固其宜儒行有瓦

合莫詳義何居云何不毀方以矩弗以規爰稽古明器  
未有今冥資神常嗜飲食鬼或懼餒而幽明逐世變乃  
復賄賂滋逋錢謫天公納貨懽地祇妄攀日月證公然  
刻其辭人生天地間孰不好高貲滄海一橫流何怪阿  
堵兒太康元年春始出平吳師四十三羣民從皓樹降  
麾會稽歸於晉至是未五朞大書太康字會無故君思  
妖謠應青蓋僞識悲黃旗銀尺強附會石印紛祀祠巫  
風變民俗一瓦如銘彝烏虜買道葬猶聞子羔噫何況  
輸鬼薪而以誣神司獨其書變隸行楷縈蛛絲此在蘭  
亭先已有縱宕姿吾人弄豪翰裴襍供墨池感世有長

喟以跋爲之詩

題畫梅

曾從驛路寄相思  
細雨騎驢見一枝  
展卷吟魂重斷絕  
分明江店薄寒時

題宋揭開皇蘭亭

開皇十八年隋文力開基  
明年討突厥前歲誅羗夷  
是年春二月帝方怒高麗  
精兵三十萬矍矍大出師  
是書刻三月其故不可知  
生平笑叔寶迷誤酒與詩  
是雖靖千戈寧肯耽臨池  
維時韓擒死孤存令狐熙  
奸相每有文楊素登三司  
可憐築仁壽宮成賀虓  
祁蘭亭奉娛翫

或出封德彝帝嘗勅崇實冗長英文移帖尾書半行獨  
紀年月時或由當時禁莫敢置一辭蘭亭在人間聚訟  
爭豪釐此揭更難求字外芒角垂借留逾十日靜對常  
手披方識顏平原行書出於茲論書忽論世懷古增吁  
嘻

何蘭士同年用昌黎送無本詩韻見贈奉酬

休文嘗有瘖子龍身是膽吾嘗怯小敵何況遇石敢誤  
蒙結契深長佩飛霞攬吾人鑿混沌破空出厓窻諸方  
把雷電風雲變頤頤騎馬取熟塗食鰕快生噉矮帻白  
雪鋪破硯元霧黹或翩其標舉或蕭然冲淡孰登華嵩

高但美蒲茵萋娟娟荃蘅檻檻歌璫焚我非騷雅材  
妄有千秋感君宜饗太牢而僻有耆歎盍簪剪銀鐙獻  
羹煮玉糝嫩虎君登塲跛躄我入坎一笑大鴻濛何爲  
弄豪塹諸公成進士遭逢非願願吾今竟高歌豁達驅  
愁憊室無一簞儲山欲五丁撼敗筆寫此詩勉和奉瀏  
覽

辛亥除夕

夜如何其燈燭長三十有七悲年光去鄉十載身碌碌  
求舉正如魚上竹行能無似身謬迷學山自隳非人擠  
齒剛舌柔戒弗早左輔脫豁同昌黎丈夫所負七尺軀



矧我藐小形區區繆公寫照冠初集便遣領下留髭鬚  
今年去矣有來歲掃却浮名問實詣實詣先求莫作詩  
此詩殿尾爲之誓

淵雅堂編年詩藥卷十

長洲王芑孫念豐

壬子

題龔海峰大令

景瀚

載書圖

縣官上計不載賄貸錢長安衆莫解得錢罔惜利三倍  
但有奇書便思買買書已足汗十牛載書西去關山悠  
欲行不行意惆悵車騎重爲鈔書留人生讀書會有福  
我自無書抱空腹却似酒人渴於酒道逢麴車思饜足  
生平極好班氏書地理一志心躊躇君攜萬卷走萬里  
六臣舊注重爬梳

君方爲地理之學  
草創作漢書補注

此書果成要傳世

其他著錄姑宜置吾人有願恐不償努力爲之寄相示  
君今最薦稱循良龔遂更能世所望莫道廉吏不可爲  
載書歸抵千金裝吾持詩禁守君戒以圖索詩又立待  
我詩匆匆不作草燒燭書之取一快

題詩龕會飲圖冊爲時帆員外

吾方禁作詩索詩者踵至此戒未能堅何況他所志詩  
龕偶一飲主客皆有致相於和而歌重之以繪事右軍  
叙蘭亭俯仰果何爲死生亦大矣竇有頰弁思作者意  
不傳世徒傳以字吾人癩文墨揮灑動盈筭石暈犀有  
通是病非其利誰爲藥師佛普與刀圭治諸公我同病

莫解菱歌嗜主人裴此冊續題請三四爲感霰雪心作  
詩附於記

題五鳳二年殘石

有序

文曰五鳳二年魯卅四年成凡九字五鳳者宣帝  
神爵四年所改元也魯卅四年者計當魯共王餘  
孫孝王慶忌之時矣金明昌中詔修孔子廟此石  
出土修廟朝散大夫開州刺史高德裔得之題記  
示後

漢家王子弟欲如古磐石未聞先豫教長大乃僭忒廷  
臣不知務冒昧議裁抑抑之禍旋至徐謀稍分析分析

侯者多耐金坐刻覈可憐王子侯相隨去屬籍三者鈞  
失之孰謂後計得若爲揣厥本要當育其德阿保與之  
居師傅之不擇鼎鼎文三王能賢轉匪僻堂堂武五子  
負此好璽冊景十三王中河間最超特餘多禽獸行班  
書著明白景之前三年誅錯以平賊愛子徙淮陽分茅  
魯開國是爲共王餘傳世百年歷子光孫慶忌史未有  
深責然餘好宮室斥治殫財力歸然靈光殿讀賦想辟  
易苟非絲竹聲幾壞孔子宅嗟其傳百年土木未嘗息  
此書刻五鳳慶忌手所役不知何苑囿紀年事刻畫具  
知祖孫閒窮侈遞仍積烏庠古后王則有世子職禮無

生而貴教冑養國脉姬公撻伯禽禽父啟鳬嶧復宇作  
閼宮奚斯頌枚實書誥小子封三篇意悱惻誠有肯構  
材墜塗示無斃慶忌非其人空留敗亡迹天其戒來者  
風霜字不泐吾疑漢諸王爲惡等作劇即使天性然抑  
何至斯極臣固書至此每每痛纏臆求其言外心傍惶  
正難識得非漢陰謀故令踐邪慝富貴豕畜之悉俾志  
狂惑務先敗其才懸匏莫堪食早絕覬覦端勿使生羽  
翼但爲滋蔓圖罔念行葦澤豈其懲管蔡而弗友虞虢  
春秋推至隱克段書鄭伯此雖我深文當日竟叵測是  
石出土來一紙價尺璧世無西漢書篆隸雜波磔吾方

讀漢書感慨致悲惜爲詩跋其尾未暇論書格

題東坡分書題名用翁覃溪閣學

方綱

韻二首有

序

文曰禹功傳道明叔子瞻遊凡三行九字自左而  
右萬歷十九年出土今度諸城縣學宮坡書滿天  
下八分僅見於此玉筠圃大令拓其文襲冊後有  
桂未谷進士

馥

錄閣學考證并所題絕句因和其

韻

季海平原筆有餘更將隸法起黃初八分自覺淋漓甚  
未要韓家阿買書

黃州二客賦中傳到處溪山笠屐緣傳道禹功明叔在  
斯遊一笑忽千年

題法時帆員外谿橋詩思圖卷

春風來欵門偶此杖藜山開雲隨野步墟烟媚遲日小  
橋人不行雜花點阡術高柳致疎疎暗渠鳴泱泱時鳥  
亦懷新衆植自欣悅意行豈尋詩飛興到林末好句本  
天成而有遇諸忽歸來竟忘言未暇寓紙筆

題法時帆員外詩龕圖

鳳城北出橫一衢短巷曲折從東趨巷側版扉君所居  
入門而左潔掃治瓦屋數楹花幾枝不龕古佛龕以詩



詩律佛律參精嚴孤燈夕哦星墮簾好句唾落珠滿奩  
何來萬樹烟冥濛詩幻現前佛幻同松樹街初無一松  
所居爲松樹街此圖寫其舊句萬樹溪橋詩意君如陶潛愛吾廬我詩真是詩  
龕圖此圖聊作壺公壺

和同年葉雲素舍人

繼雲

移居詩用田山薑集中

韻

我居無書出無車步履還往東西家君今載書與同巷  
君若熊豹吾麋麇知君讀書日幾課蠶三起又蜂兩衙  
見人盤辟好雅拜醉舞忽忘頭幘斜君從濂洛問絕學  
嗟我流宕風中花孰尊漢學孰尊宋小儒辯閑鵲打鴉

生平不耐立同異  
禰衡大罵鼓怒搥  
君誠不棄相倡答  
太音共聽笙吹媯

題葉雲素舍人同年栽竹寫書圖

我苦讀無書君苦居無竹  
君居無竹竟不俗而我得書  
豈能讀京居滾滾十丈塵  
人家屋上草色春不教平地  
見綠影况欲開徑延此君  
眼前無竹竹趣在土不知書  
正堪愛吾人自有不死方  
安用著書告千載

彭尺木

紹升

魯絜非

九臯

武虛谷

億

家蘭江

祖武

先後書來都未作報各寄一詩

彭公隱於佛舉世皆笑之而我獨不然知其意悲危死

生一大事夜鵲繞月枝孤飛有遺音屢寄招隱詩故山  
豈不好我歸獨無時君有田可耕我無業可治去閩歐  
陽詹昌黎識其私直以金鑄身與世供布施吾寧不自  
惜惜卽與道離死生適然耳去來亦何期悉往極樂鄉  
此土將誰持所稱阿彌陀世界如琉璃卽今未作佛且  
爲人所爲精衛志填海與佛同一悲但能保心光火宅  
流冰澌時而控於地吾力翔天池可憐區區身原是世  
閒兒豈有大丈夫愛此骨與皮欲燒便燒卻至寶不在  
斯十方阿彌陀證此語不欺我言雜儒佛陽明以爲師  
但可寄語彭無令魯公知

魯公果儒者一生不言佛昨來定我文見佛輒塗乙愛

子沒爲神含笑與耶訣以書來告我不覺寓之筆

繫非兩于

皆以拔貢在京攜以之官至井陘而次君肇光道

卒自言當爲井陘城隍神迎者已至含笑而逝

讀書

二十年内養甚縝密學成要出山懷牒選曹謁貸錢往

之官忽復悔其出吏塗熟形勢書生但咄咄重以喪子

傷老淚瀉悲咽君其無復然艱虞練人傑烏虜人閒世

孰能就安逸士皆逸山林孰念斯民疾君今肯投身持

塊塞河決知縣七品官束縛敢搖膝號令未出門動已

躓於閹苟存康濟心亦抹萬分一側聞好官聲上司與

傳說遠宦等羈孤隨身幾書帙豈弟神所勞危疑倚忠

寶況君氣溫溫人亦不汝軋人禍所不加天道致可必  
臨風祝強飯彫疲待君活

武公魯之友出宰正同時魯有山西書愁苦語所私武  
無山東信其樂不可支行李從東來頌譽交一辭不知  
此兩生何由異其施著書詳句讀居然老經師沉潛更  
反復識路辨其歧欲於邢孔間補過還拾遺所好金石  
文點畫爭毫釐時時抵一隙史傳證紛披創獲自己出  
歐趙不及知武所著有經讀攷異及金石三畝諸書留書與我別倒篋悉  
見貽謂言子好學爲我斟酌之濟河幸匪遠千里可質  
疑嗟君若金剛腰腹蹲須彌我身僅侏儒又困臣朔飢

第令作皮相世已區雄雌何況中所藏測海敢用蠡雖  
然此風義冲雅誠可思薰風綠庭草泠泠入琴絲放衙  
當有作或是春陵詩因來須示我兼寄典午碑

有晉人  
石刻出

土爲武  
君所得

吾宗佳公子英妙故絕倫昔年就童試同日賦采芹再  
見長安中回首十五春生平睠鄉舊慨此復幾人因之  
樂還往久而遂情親一別又三年相思若車輪月月寄  
我書憂我饑與貧吾常不時報貺問轉益勤吁嗟陰雨  
思不作翻手雲吾今日老大論年迫無聞無聞非恥賤  
所虞隙其文張騫不自量欲溯河崑崙古今一邱貉百

年懼因循念子何可忘西望連洮岷子厭承明廬白華

譜佳辰丈人甚忠厚功業歌邊氓

太公苟  
陂觀察

瑤環來抱姆

一笑蘭芽新如此豈不樂餘者何足云求書久弗與知

子懸盼慙我無銀篆檠坡公遺穎濱夫妻共把筆蚊腳

雜楷真寄此一握風與子扇芳塵

### 題雜帖詩二十四首

#### 穎上黃庭經

稊帖爭量肥瘦間黃庭無籀啓元關若從穎上參標格

此地分明見玉環

#### 渤海刻靈飛六甲經

彤管親標欵署明簪花端的出傾城不知袁桷緣何事  
強換題籤鍾紹京

唐太宗晉祠銘

蜺裳鶴蓋開唐句仙露明珠起晉書看取陽裘人氣象  
瀛洲學士總扶餘

明皇鵲鵠頌

惆悵當時頌鵲鵠樓空花萼蜀天青歸來不見山香舞  
獨聽郎當雨打鈴

魏公醴泉銘

唐文第一九成宮開國堂堂魏鄭公不信後來燕許出



翻從盧駱奉宗風

褚河南孟法師碑

妙麗方巖有若斯殘煤宋搨感留遺顏書自褚何人信  
所恨碑無孟法師

敬客塲塔銘

居士猶然大業人靈芝敬客定隋臣同時不學歐虞褚  
別有山林樣鄒新

魯公爭坐位書

李爭揖位辭嚴直韓論臺參語激昂韓李以文顏以字  
三公氣節概三唐

北海雲麾碑

秘監生平見八哀遺蹤磨滅半蒿萊雲麾岳麓殘波磔  
猶作吳興法乳來

武功夢真容告

抽絲散水出丰濃開寶名書始變宗要識宋唐相去遠  
夢神告比夢真容

季海嵩陽觀紀

季海嵩陽篆隸兼金溫玉粹那能嫌近人專取模糊好  
漢石三行價十緡

薦福碑

穠荷比秀雙聲句潤臉呈花半截碑寫貌何曾傷體格  
聖人不廢碩人詩

孫過庭書譜

老筆紛披拙破妍更無懷素與張顛二王真訣千秋在  
一髮今從書譜傳

楊少師韭花帖

宰相門高世系留六臣傳裏見風流年年燒韭供肥葍  
直過梁唐晉漢周

蔡端明山堂帖

茶錄寧知僞與真后碑猶自惜鉤銀萬安橋上神來語

始信看花待月人

東坡帖

淇濮聲留鼎豐詩皮筒封札故人思平生不信桃源境  
只向江干問竹枝

山谷帖

金錯刀書捫有稜江橫一笑負風鵬誰甘不下涪翁拜  
此句此書坡未能

蔡元長帖

楚公書法魯公如習氣原來亦未除元祐一碑真得意  
安民無奈不知書

元章帖

兩篇擬古意云何細楷頻頻錄九歌書畫學中留不得  
竟思天畔戲常娥

元暉帖

小米偏鋒未足奇家雞野鷺各離披人問容易求羲獻  
好笑顛翁譽虎兒

松雪鶴袖帖

出入奎章侍從班宮袍花繡照清顏王孫何處無芳草  
冷落秋荷鶴袖閒

枝山帖

一代能書枝指生後來翻謂野狐精衡山以下無迴腕  
始識狐精鍊藥成

衡山帖

逆筆吳興最攫拏風姿卻似月當花衡山晚出專森峭  
翡翠蘭茗自一家

香光帖

書至魯公能事盡晉人風力趙追還香光學趙常譏趙  
儻欲居身夷惠間

山左吳季游太學

方南

欲得予夫婦書迹甚勤重

違其請輒以小書數幅贈之頃過詩龕復出見示

則已與石菴先生書合裝成卷且屬著語於後遂  
作一詩附其卷尾

吾書無法取快意意所欲到忘妍媸不知於古正何似  
越女劍術忽有之半生綦綦身似狗冀缺一妻充井臼  
偶然畫紙細作行又與人間供換酒當今海內論操筆  
東武劉公真第一我出公門得所從世人謬謂書如公  
公書容易求其似超妙在心不在紙心自書空手不知  
似亦非真況無此吳生德器圭玉溫留意翰墨何殷勤  
誤坼海圖縫裋褐飛黃跛鼈非其倫公今書與人俱老  
我愧從公太草草負公期許十餘年歲月回頭一飛鳥

君持此卷山東去藏向天門最高處後人登岱思公賢  
此卷合傳五百年思公或念公之士文簫夫婦皆神仙  
爲人題看雲圖

看雲有憶弟望雲有思親山雲初不知思憶還在人  
縣萬里心與雲共縹緲此意難語人獨有山雲曉惆悵  
不如雲東西更南北去爲區中潤歸作巖際息出岫果  
無心欲歸便歸耳雲情不可書雲影寫於此

題詩龕消夏圖

詩龕多雅集招我輒不赴每集必有詩搜腸實無句詩  
罷更求文受苦無央數豈惟樂逃酒兼以逃詩故適有



同年生同車偶一去吾嘗醒而狂不免語謬誤因之學  
維摩一默佛泥塑翛然寂光中不宜猶有怒公方聽笙  
匏安用此懸瓠瓠懸不堪食秋風在庭樹銷夏夏已銷  
大火忽西度誰持魯陽戈揮得炎曦駐索詩無可言卽  
事苟充賦

次韻何蘭士見過遇雨枉示四十韻

孰手如庖丁游刃解牛腩孰眼如離婁夜珠洞於晝君  
才日鏘翔大輅纓七就吾騎木馱驪不敵荷戈候強韻  
忽相臨一哂君計繆室無擔之儲人與巷俱陋終年伏  
竈觚不敢祀中霑何郎似梅花不似梅花瘦江山困牢

籠韓杜自奔湊仙界鶴孤飛佛門獅一吼枉過語移時  
急雨走檐溜催詩墨雲翻得句金蛇驟長篇氣盤鬱小  
字致森秀一飯不忘心吐露極鴻富雅歌詩小東豕傳  
易大畜欣茲土呈覲快若身滌垢大黃金僕姑一穀不  
可留應官出公餘憂民入私疚從容頌

朝廷惻愴論補袞君如秉鈞軸他日事可覲

王師正西征奇捷插翎奏巍巍嘉勇公功名起家舊濟  
隴道隄塞一綫萬蹶輳大風雪洋洋入蔡賊旗仆會看  
斧其吭赤立縛旄幼乞死跪藁街聲若蟲鳴脰始當關  
入時鵝鴨紛相蹂燒我舍衛城躉尾毒已厚冉駝行就

山房集卷之十一  
二十三  
殲須彌兀將又掃穴軍棲糧騰槽馬斲豆都綱衆喇嘛  
膜拜祝

皇壽愍茲天魔舞幾使佛窟覆幸逢

威弧張咸拜

曼珠祐欄鼓聲雷硯歸馬及飲酎竺藏波斯王歡喜面  
不皺

天兵若時雨金柅不牽輶長謠洗兵馬甫也茅屋漏宣  
布樂職詩君手未宜袖處子王所妃我

聖民之后放晴占鵲乾次和笑蟻鬪

題虞恭公碑戲爲五平聲

誰爲溫虞公碑殘遺其名徒緣歐陽詢流傳爭題評求  
之新唐書而稽其生平因知文章家寥然千秋情

題雲麾碑戲爲五仄

是石勝嶽麓美醜不待考念此石上子在日有韻藻畫  
藝竟罔述但道作吏好具見古作者命意不草草

官館曉坐效山谷作六言六首

入自蒼龍闕右來趨紫禁城中列坐牀無下上分曹解  
有西東

宮學名由宋始上庠制自周垂殿瓦黃分屋角庭槐綠  
上窗來

爲輩九人而已限年三載相期此地已非草創我來恰是瓜時

四姓小侯建學四門博士名官爲考漢唐故事我

朝恩禮尤寬

所愧先生苜蓿其如弟子芄蘭內庫祇勞月給大官空辦朝餐

宰相監臨鄭重翰林課試分明士大夫寧無意師弟子徒有名

魏春松郎中

成憲

少歲與其從兄苴塘有偕隱之

約而苴塘先逝因作溪山二隱圖志意求題四首

耦耕前約付荆關跨鶴人應化鶴還參取華嚴常住法  
幅巾無恙畫中山

竟欲歸田苦未能至今流水咽西陵白雲亭上攜書坐  
腸斷秋空雁一繩

賦雪空餘小謝身池塘想像夢中春魏家不獨元城好  
坡老遺文問穎濱

鄉心如我正難降一弟無書隔楚江此夕爲君題短句  
秋房紅燭雨鳴窗

爲楊某題柑酒聽鶯圖六言四首

穉柳濛濛堤上流鶯嚶嚶橋東纔過幾分新雨又披無

量光風

柑信未傳天上酒情剛到花前三百顆題書後十千沽  
就鑪邊

月到風來詩好水流雲在心孤世外人如北郭畫中山  
是西湖

胷次只多泉石筆端尙有烟霞浮白初非玩世草元正  
好傳家

九月七日看榜作

生平歷試場一名未登榜每逢放榜辰常作榜外想今  
朝忽陰雨寒日慘不上雲天白浩浩萬里極蒼莽司徒

獻賢能得士皆倜儻何來颯淒風隕薶碎秋響可憐下  
第人結茲愁苦象低顏對童僕蹙額慰戚黨與天共昏  
悶安得一軒敞舊遊不數人使我意迷罔費生卿庭少  
騰踏登壇臂猶攘哀哀正嫌身哭母拜稽顙趙生齊嶧  
氣非豪良田歲不穰三年作齋郎何從振歸鞅董君辰

如病鶴晚霄勉伸吭長塗屢顛沛薄遊罄其帑屈子培

基熟古書臚陳見指掌方將跨鵬背控地愧決搶榮進

且勿論去留皆儻恍欲留旅瑣瑣欲去心惘惘不憂身  
名賤不咎有司枉所痛饑寒身報罷更何往何人解憐  
才茫茫自天壤關山方雨霜車輪沒塵埃窮交國門下



誰能送錢鏐我詩書至此淚落氣骭髀此何一敝帚妄  
冀千金享葆真伏衡茅無辱勝寵獎衰親方倚閭單妻  
夜績紡念之安可忘八口要須養行矣無滯淫還山拾  
芋橡與

國充耕農荷簞甘饑饉但求齊民術莫要封侯賞有暇  
能讀書虞夏接疇曩雖然神聖徂求志端厥嚮由是作  
爲文江河赴排盪一洗萬古悲寸心豁寥晃

送畢松友

大椿

南還

長安人海無不有畢公來去空兩手幾載棲棲去復來  
胸中繞一黃金臺黃金臺下身難住破帽殘衫又登路

懷刺漫滅嗟塵勞人壽不是綏山桃覓宦誠如馬生角  
求財將奈龜無毛四十無官亦無子家貧親老誰知爾  
傭書鬻畫總徒然貨畚賣漿猶可耳平生操筆游江湖  
薊門楚甸都窮塗葉公好龍那須畫道士有驚肯換書  
畢以書畫遊楚因復入京豪情已過皆成悔從此收身亦何碍牽蘿  
不作倚門姝種田要勝監河貸我初夢君至翩然小詩  
寫記留花前君果券驢數千里圖此一夢無他緣君去  
我留亦堪笑齒危髮短事可料瓜期署滿決還鄉君來  
臥甕看祭竈

送盧碧山

錫琛

之台州訓導任二首

天台天畔石梁橫  
捧檄剛爲訪道行  
流水桃花無恙在  
阮郎不見見盧生

平生熟得大科文  
素問靈樞讀也勤  
博得一官便採藥  
好從著錄補桐君

盧以醫術遊京師

洪稚存

亮吉

出督黔學石琢堂

韞玉

出典閩試遂

往督學於楚九月廿四日送稚存行因寄琢堂

一代作家無數公  
天下健者方推洪  
平生讀書萬萬卷  
怪眼歛月星羅胸  
三軍背水旗幟赤  
九牧鑄金鑪韞紅  
漢唐宋明無不有  
百川灌河一洗空  
文心如龍氣如虎  
牙鬚角甲光熊熊  
開寶精神建安骨  
創格自起今乾隆

廿年流宕不得意一朝唱第蓬萊宮受

恩不次非故事遂畀督學黔西東黔風僑僊士疎樸江山入手偏奇雄君昔好遊如好學題名歷紀簠臚蹤往來岱華看不足高歌嵩嶽天當中

雅存登嵩舊句四面各萬里茲山天當中

以譚天口注釋地三國補志亶橫縱

君著有三國亶域志補

篋中

方草九域志此行歷勘證異同果然萬卷走萬里成就此學皆遭逢皇天生才不擇地炎荒分野連祝融火房南離文所會士有莫測惟靈鍾牂牁轟厖盛惡浪玉屏秀瀛霧雨寧安知萬古悶不發非待子手開鴻濛子往誨之勿菲薄補攜春雷醒頑冬暇時課士若課兒士亦

視子如家翁花苗銅鼓峒苗籛觀子始觀鼓鼓鏞餘事  
驚人謝家句筆情飛上飛雲峰書生快事那有此一詩  
一朵青芙蓉所愁按部寡酬和懷人北望嗟飛鴻却聞  
郵騎疑有喜曼卿醉墨來皮筒因君復念郢中雪衡湘  
九疑道所從故人同時把旄去我此瓠落將安窮雖然  
公等參錯在豈憂餓死埋蒿蓬二君努力慎自愛去去  
與

國充璜琮文章報

主諒不易我

后遇爾亦已豐半生辛苦艱一飯無忘在莒撫謙冲瘴

鄉加餐鴛行李勿以吾故傷離悰吾儕窮達蓋有命萬  
古一息悲迴風作詩送君兼寄石不覺腕底奔流虹

題冷枚畫竹四首

松韻吹難斷桐陰碧欲流疎疎幾叢雨餉我一牀秋

葉

書有金錯刀畫有鐵鉤鎖寫竹須寫枝剛健含婀娜

枝

娟娟傍書窗冉冉媚花嶼風笑露啼閒劇於十五女

竹

神仙重黃玉種向黃岡地所恐王元之要作竹樓記

大

竹

游雅堂集年譜

卷十

七

喜顧莪庭

禮琥

至京卽次見贈韻四首顧以甲辰

進士入河臣幕以熟練河工被薦

久望徵車至偏遲倒屣迎遭逢多不意憂患各親甬水  
道咨張仰遊蹤問向平十年江海別珍重記前盟

舊好何人在天南一使星

謂琢

長歌看劍紫短詠寫燈

青身世雲中雁聲名日下亭憐君好才力舉筆接滄溟  
吾輩因循老而今久去家後生誰領裏往事只風花剪  
燭同溫酒攜羹更煮茶何時竟偕隱香梵證毘耶

夫婦成流落文章感槩餘聊同牧豬戲豈有換鵲書

詩來

欲求愚夫身賤安孤介心空聽卷舒期君勤幹濟名下  
婦拙迹不終虛

送黃賡堂

對揚

以教職歸閩二首

閩海七千里京華五六年爲官尙儒雅登路卽神仙夜  
火經吳市春星渡浙船還家譜華黍白髮正歡然  
產薄勤耕地官閒補讀書飯香留客處酒熟課兒園  
荔紅如幄邨榕綠上裾懷人知有作珍重寄雙魚

送顧莪庭

禮號

還濟寧

故鄉一別九年矣却來把酒長安市長安雪花正如絮  
又送故人從此去平生所讀大科文得第依然尙角巾



河渠一卷剛能熟便遣山公登薦牘人生遇合不可知  
要有經濟真男兒此行努力講三策史起賈讓才當時  
卽今歲宴休土功歸拜幕府陪雍容伐檀甘作河干置  
傳道更如河上公他時我欲還鄉者一舸乘風順流下  
東道無君良不可君擁旗旄來過我

淵雅堂編年詩藁卷十